



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Necessitate Et Modo Ministrandi Sacramenta Tempore pestis

Chapeauville, Jean

Mogvntiæ, 1612

25. Quid de illorum, qui cum possint simul habere parochum & testes,
modo contrahunt curam parochi & postea coram testibus?

urn:nbn:de:hbz:466:1-41077

mentis instituit Dominus materias in re communi & facili, vt baptismum in aqua, ex quo facile inueniretur. Ita Concil. Tridentinum intendens statuere quædam clara facilia & cõmunia præcepta exigit testes cuiuscumq; conditionis ad matrimonii valorem & probationem: Si enim omni exceptione maiores peteret plerumq; difficile inuenirentur, innumerisq; litibus circa matrimonii valorem locus daretur.

Dices: Aliquando fit, vt ipse parochus etiam sit suspectus, ac proinde illius auctoritas vitium testium minime suppleat.

R. Possit ita accidere, verum lex non potest respicere omnes particulares casus, sed frequentiores, vt patet.

QVÆSTIO XXV.

Quid de illorum, qui cum non possint simul habere parochum & testes, modo contrahunt coram parochio, & postea coram testibus?

Quæstionis explicatio.

Concilium requirens parochum, & duos testes ad celebrandum matrimonii contractum loquitur copulative: Sic enim habet: *Qui aliter quam presente parochio vel alio sacerdote de ipsius parochi seu ordinarij licentia, & duobus vel tribus testibus matrimonio-*

Sess. 24. c. 1.

rimonium contrahere attentabunt, &c. videtur ergo exigere, vt simul tempore parochus & testes interfint matrimonio: huius occasione quæritur, quid si tēpore grassantis pestis simul haberi non possint, sed hodie paratus est parochus, coram quo contrahētes mutuum consensum explicant, & cras occurrunt duo testes, coram quibus similiter faciunt, quid dicendum de hoc modo contrahendi?

Responsio.

NON videtur posse tolerari, q̄a (vt statim diximus) satis certum est, Cnncil. Trid. copulatiue exigere præsentiam parochi & testium, & aliter contractū matrimonium irritare. Confirmatur, quia (a) præsentia parochi & testium desideratur, vt plene constare possit ecclesiæ de matrimonio: At nō plene constat, quando non sunt simul eodem tempore parochus & testes, cum alias sint testes seculares.

*a Veracius
appendice ad
speculū dub.
6. concl. 4.*

Dices; Si testes sint præsentēs qui cōsensum contrahentiū intelligunt, & parochus sit præsens, & ex pposito non vult intelligere, sed oculos claudit & aures: nihilominus validum contrahit matrimoniū, iuxta allegatam à quibusdā Cardinalium declarationē: parochus aut præsens, & non intelligens perinde est ac si absens esset, si effectū

Ll 3 testifi-

testificandi attendamus, ergo poterit matrimonium contrahi in præsentia duorum testium absente parochio, maxime si postmodum parochus consensus matrimonialis certior fiat, aut contrahentes audiat secum consensum ratificantes.

R. Negando maiorem propositionem, nec est verisimile sic Cardinales declarasse, cum certum sit non valere matrimonium, si parochus non attendat ad consensum, & non intelligat illum, etiam si hoc affectate & data opera faciat, quia tunc reuera non est dicendus præsens, nec potest testificari de matrimonio ad quod requiritur præsentia: Aliud dicendum esset, si præsens affectate & data opera fingat se non intelligere, cum tamen reuera intelligat, tunc enim reuera præsens esset, & matrimonium subsisteret: & hoc putandum est voluisse Illustriss. Cardinales, si quid forte de hac difficultate declararint.

QVÆSTIO XXVI.

Quid sit de illorum, qui in extremo articulo mortis existentes, contrahunt coram testibus in absentia parochi?

Quæstionis explicatio.

PLurima diximus permitti in casu pestis, & articulo mortis, quæ legibus vetantur,